



Inatsisartunut ilaasortaq
Hans Enoksen, Siumut

§ 37 naapertorlugu apeqqummut nr. 2011-77-imut uuliap akiinut tunngasumut akissut

Asasara Hans Enoksen

Inatsisartut suleriaasianni § 37 naapertorlugu ima apeqquteqarputit:

1. **Asarmanna olie akitsussasoq KNI-ip pisortaanerata ilimasaarutigaa allaat liter-imut 1.00 kruunimik akitsussasoq, tamannalu tunngavigalugu Innaallagissap akia kilowatt-imut, aammalu erngup akia kubikmeter-imut akii qaffassasut takusin-naareerparput, taamatullu akitsuinerup kingorna qanoq atsigisunik akinik qaffaasoqassava?**
2. **Aalisartut piniartullu olie akitsoqqippat sulii akiliisinnaanermut ilungersunarne-rusumut inissittussaapput, aalisakkat akii ullumikkut taamak appasitsigisut akiliisinnaajunnaaratarsinnaanerata naatsorsuutigineqarsinnaalluni. Tamakku pillu-git Naalakkersuisut qanoq eqqarsarpat aalisartunut piniartunullu ikiunnissamut olie-ip akikillissarnissaanut tapiinissaminut eqqarsarpat?**

1-imut

Uulia illoqarfinni nunaqarfinnilu uulia atorlugu innaallagissiorfeqarfiusuni innaallagissiornermut aningaasartuutit ilarujussuannut pissutaavoq. Taamaattumik Nunatta Karsiata Nukissiorfinnut tapiissutaasa annertusinissaat pinngitsoorniarlugu akikinnerpaaffiliinerit akisunerpaaffiliinerillu qaffanneqarnissaat pisariaqassaaq.

Nukissiorfinnit ilisimatitsissutigineqarpoq uuliamut liiterimut 1 koruunimik akitsuinikkut kWh-imut (kilowatt time) 40 øret missaannik qaffariartoqassasoq.

Taanna kisiat isigissagaanni tamatuma kingunerisaanik 2011-mi akigitat aallaavigalugit akisunerpaaffiliussamut maannakkut kWh-imut 3,02 koruuniusumut sanilliullugu kWh-imut 3,42 koruunit missaanniilersinnaavoq.

Akikinnerpaaffiliussaq taamaallaat uuliamut akit qaffaataasa sunniutaasa affaannaannik sunnerneqassaaq (tassa 20 ørenik) tamatuma kingorna kWh-imut 1,81 koruunit missaanniilersinnaalluni. Maannakkut akikinnerpaaffiliussaq kWh-imut 1,61 koruuniuvoq.

Uuliap akitsoriartornera aamma illoqarfinnut nunaqarfinnullu aningaasartuutivinnik ersersitsiviusunik akiliiffiusartut illoqarfinnullu uulia atorlugu innaallagissiorfiusunut

18. maj 2011
Sagsnr. 2011-048260
Dok. Nr. 607743

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

kinguneqassaaq. Illoqarfinni nunaqarfinnilu taakkunani innaallagiamut akigititaq taamatuttaaq kWh-imut 40 øret missaannik qaffanneqartussaassaaq.

Uuliap akitsornera erngup akiinut killilerujussuarmik immaqalu najugakkuutaarsinnaasumik taamaallaat sunniuteqassaaq.

Qulaaniittut missingiutaapput. Uuliap akitsorsinnaanerata kingunerisassavii aatsaat Nukissiorfiit uuliap akianik eqqortumik ilisimannilerpata naatsorsorneqarsinnaalissapput.

2-mut

Maannakkut Naalackersuisut aalisartunut piniartunullu uuliamut tapiissuteqartalernalersaanngillat. Aallaaviatigut Naalackersuisut isumaqarput inuiaqatigiinni aningaasaqarnikkut ilungersunarnerpaamik inissisimasut ungasinnerusiq eqqarsaatigalugu aningaasaqarnikkut imminnut napatissinnaalernissaannik siunertaqarfiusunik ilivitsuutitsilluni suliniarnikkut ikiorserneqassasut utaqqiisaasumik aaqqiissuteqarnikkut pinnani.

Naalackersuisulli nalunngilaat kiassarnermut, innaallagissamut imermullu aningaasartuutit minnerpaamilluunniit qaffakkaangata inuiaqatigiinni isertitakitsunut, aamma piniartunut aalisartunullu aningaasaqarnikkut tatinnittoqartartoq. Taakku aamma uuliamut/benzinamut inuussutissarsiuutiminnik isumaginninniarnerminni atugassaminnut aningaasartuuteqarnerulissapput.

Neriuppunga akissutit qulaaniittut naammagigitit apeqquteqarninnullu qutsavigaakkit.

Inussiarnersumik inuulluaqqusillunga

Jens B. Frederiksen